

HAMKORLIK SHARTNOMASI

(dasturiy mahsulotni sotish va texnik xizmat ko'rsatish to'g'risida)

«02» Iyun 2026-yil

Shartnoma raqami: № 26/15

Tuzilgan joyi: Urganch shahri

«MBOS UNION» xususiy korxonasi, uning nizomi asosida ish yurituvchi rahbari **Yusupov Mansur Maksudovich** nomidan ish ko'ruvchi, keyingi o'rinlarda «**Ishlab chiquvchi**» deb yuritiluvchi tomon bir tarafdin, va

«**RAQAMLI IQTISODIYOTNI RIVOJLANTIRISH**» mas'uliyati cheklangan jamiyati, uning nizomi asosida ish yurituvchi rahbari **Sobirov Alisher Omonboy o'g'li** nomidan ish ko'ruvchi, keyingi o'rinlarda «**Distribyutor**» deb yuritiluvchi tomon ikkinchi tarafdin, birgalikda «**Tomonlar**», quyidagilar to'g'risida ushbu shartnomani tuzdilar:

1. SHARTNOMA PREDMETI

1.1. Ishlab chiquvchi Distribyutorga «msmartschool.uz» dasturiy mahsulotini (keyingi o'rinlarda – «Dastur») uchinchi shaxslarga (xaridorlarga) sotish huquqini ushbu shartnoma shartlari asosida beradi.

1.2. Distribyutor Dasturni xaridorlarga sotadi va har bir sotuvdan tushgan mablag'ning kelishilgan qismini Ishlab chiquvchiga o'tkazib beradi.

1.3. Ishlab chiquvchi sotilgan Dasturni o'rnatish, foydalanuvchilarni o'qitish (o'rgatish) hamda 1 (bir) yil davomida Dasturning ishchi holatda ishlashini ta'minlash majburiyatini o'z zimmasiga oladi.

1.4. Ushbu shartnoma bo'yicha Dasturga bo'lgan mualliflik va mutlaq huquqlar Ishlab chiquvchida saqlanib qoladi. Distribyutorga faqat Dasturni sotish (tarqatish) huquqi beriladi.

2. TOMONLARNING HUQUQ VA MAJBURIYATLARI

2.1. Ishlab chiquvchining majburiyatlari:

- 2.1.1. Distribyutor sotgan Dasturni xaridor ish joyiga (obyektiga) o'rnatib berish;
- 2.1.2. Dasturdan foydalanuvchilarni Dastur bilan ishlashga o'rgatish va zarur ko'rsatmalarni berish;
- 2.1.3. Dasturni o'rnatilgan kundan boshlab 1 (bir) yil davomida uzluksiz ishchi holatda saqlash, texnik xizmat ko'rsatish;
- 2.1.4. Dasturda biror muammo, nosozlik yoki kamchilik yuzaga kelganda, zarur hollarda xaridorning ish joyiga borib, muammoni bartaraf etish va ishni yakuniga yetkazish;
- 2.1.5. Dasturning yangilanishlari (yangi versiyalari) chiqqanda, kelishuvga muvofiq ularni taqdim etish;

2.2. Distribyutorning majburiyatlari:

- 2.2.1. Dasturni faqat ushbu shartnoma doirasida va Ishlab chiquvchining manfaatlariga zid bo'lmagan holda sotish;

- 2.2.2. Har bir sotuvdan tushgan mablag'ning kelishilgan qismini ushbu shartnomaning 3-bo'limida belgilangan tartibda va muddatda Ishlab chiquvchiga o'tkazib berish;
- 2.2.3. Sotuvlar to'g'risida (xaridor, sotilgan sana va summa) Ishlab chiquvchini xabardor qilib borish;
- 2.2.4. Dasturni va u bilan bog'liq materiallarni ruxsatsiz nusxalamaslik, o'zgartirmaslik va uchinchi shaxslarga noqonuniy tarqatmaslik;

3. HISOB-KITOB TARTIBI

3.1. Dasturning bir nusxasini sotish narxi va Ishlab chiquvchiga o'tkaziladigan ulush Tomonlar o'rtasida quyidagicha kelishiladi:

- Dasturning sotuv narxi: _____ so'm;
- Ishlab chiquvchiga o'tkaziladigan qism (ulush): har bir sotuvdan _____ % (yoki _____ so'm).

3.2. Distribyutor Ishlab chiquvchiga tegishli mablag'ni sotuv amalga oshirilgan kundan boshlab 3 (uch) bank kuni ichida bank o'tkazmasi orqali to'laydi.

3.3. Tomonlar o'zaro hisob-kitoblarni davriy ravishda (oylik/choraklik) solishtirma dalolatnoma (akt) tuzish orqali tasdiqlab boradilar.

4. TOMONLARNING JAVOBGARLIGI

4.1. Tomonlar ushbu shartnoma bo'yicha o'z majburiyatlarini bajarmaganlik yoki lozim darajada bajarmaganlik uchun O'zbekiston Respublikasining amaldagi qonunchiligiga muvofiq javobgar bo'ladilar.

4.2. Dasturni o'rnatish, o'rgatish, texnik xizmat ko'rsatish hamda 1 yil davomida ishchi holatini ta'minlash bilan bog'liq barcha majburiyatlar va shu bilan bog'liq xarajatlar Ishlab chiquvchining zimmasida bo'ladi.

4.3. Distribyutor o'z aybi bilan Ishlab chiquvchiga tegishli ulushni belgilangan muddatda o'tkazmagan taqdirda, kechiktirilgan har bir kun uchun to'lanmagan summaning 0,1 % miqdorida penya to'lashi mumkin.

5. FORS-MAJOR HOLATLARI

5.1. Tomonlar oldindan ko'ra olmaydigan va oldini olib bo'lmaydigan favqulodda holatlar (tabiiy ofatlar, urush, davlat organlarining qarorlari va boshqalar) tufayli o'z majburiyatlarini bajara olmagan taqdirda javobgarlikdan ozod etiladilar.

5.2. Bunday holatlar yuzaga kelgan tomon ikkinchi tomonni oqilona muddatda yozma ravishda xabardor qilishi shart.

6. NIZOLARNI HAL QILISH

6.1. Ushbu shartnomani bajarish jarayonida yuzaga kelgan barcha nizo va kelishmovchiliklar avvalo Tomonlar o'rtasida muzokaralar yo'li bilan hal etiladi.

6.2. Kelishuvga erishilmagan taqdirda nizolar O'zbekiston Respublikasining amaldagi qonunchiligiga muvofiq tegishli sudga ko'rib chiqiladi.

7. SHARTNOMANING AMAL QILISH MUDDATI

7.1. Ushbu shartnoma Tomonlar tomonidan imzolangan kundan kuchga kiradi va «31» dekabr 2027-yilgacha amal qiladi.

7.2. Tomonlardan birortasi shartnoma muddati tugashidan kamida 1 (bir) oy oldin uni bekor qilish to'g'risida yozma ravishda xabar bermasa, shartnoma keyingi muddatga avtomatik ravishda uzaytirilgan hisoblanadi.

7.3. Dasturni 1 yil davomida ishchi holatda ta'minlash bo'yicha kafolat muddati har bir alohida sotuv (o'rnatish) sanasidan boshlab hisoblanadi.

8. YAKUNIY QOIDALAR

8.1. Ushbu shartnomaga barcha o'zgartirish va qo'shimchalar faqat yozma ravishda, Tomonlarning vakolatli vakillari tomonidan imzolangan taqdirdagina haqiqiy hisoblanadi.

8.2. Ushbu shartnoma bir xil yuridik kuchga ega ikki nusxada, har bir Tomon uchun bittadan tuzildi.

8.3. Shartnomada nazarda tutilmagan masalalar O'zbekiston Respublikasining amaldagi qonunchiligi asosida tartibga solinadi.

9. TOMONLARNING REKVIZITLARI VA IMZOLARI

ISHLAB CHIQUVCHI	DISTRIBYUTOR
«MBOS UNION» xususiy korxonasi Manzil: ХОРАЗМ ВИЛОЯТИ, ХОНҚА ТУМАНИ, Гулғунча МФЙ, Нафосат, 1 топ кўчаси, 1-уй STIR (INN): 311479759 H/r: 20208000107110267001 Bank: ATB Mikrokreditbank MFO: 00433 Tel: +998622277676 Rahbar: Yusupov Mansur Maksudovich _____(imzo) M.O'. (muhr)	«RAQAMLI IQTISODIYOTNI RIVOJLANTIRISH» MCHJ Manzil: Хоразм вилояти, УРҒАНЧ ШАҲРИ, G'ALABA KO'CHASI 13/1 UY STIR (INN): 307240535 H/r: 20208000105198227001 Bank: ATB Biznesni rivojlantirish banki MFO: 01037 Tel: +998787704037 Rahbar: Sobirov Alisher Omonboy o'g'li _____(imzo) M.O'. (muhr)